



ՀԱՅՐԵՆԱԴԱՐՁՈՒԹՅԱՆ ՈՒՂԻՈՎ

ՀԱՅՐԵՆԱԴԱՐՁ ՀԱՅԵՐԻ ՆՈՐ ԽՍԲԻ ԺԱՍՏՆՈՒՄԸ ԵՐԵՎԱՆ

Բաթումից Երևան ժամանեց Ռոմինիայից Սովետական Հայաստան վերադարձող հայերի նոր խումբը: Կայարանում նորեկներին դիմավորեցին Հայկական ՍՍՌ Մի-նիստրների Սովետին կից արտասահմանյան հայերի ընդունման կոմիտեի, Վերաբնակեցման վարչության և Երևանի Քաղաքային Սովետի ներկայացուցիչները:

Ընդամենը ժամանել են 153 ընտանիք, թվով 540 մարդ: Նրանք բոլորը տեղավորվելու են Երևանում և մերձակա ավաններում: Եկվորների մյուս մասը, թվով 140 ընտանիք, որ Բաթումից Հայաստան է ժամանելու մոտ օրերս, տեղավորվելու է Լենինականում և Կիրովականում:

Քարավանի պետ, տնտեսական գիտությունների դոկտոր Ա. Տիրացյանը ՀՀԳ-ի թղթակցին հայտնեց.

— Անհուն շնորհակալությամբ մենք թողինք դեմոկրատական Ռոմինիան. այժմ գտնվում ենք մեր Սովետական մայր Հայրենիքում, որի մասին այնքան երկար տարիներ երազել է մեզանից ամեն մեկը: Բոլորս անխտիր լցված ենք մի ձգտումով՝ աշխատել հարազատ հայրենիքի բարօրության համար, լծվել նրա սոցիալիստական վերելքի մեծ գործին: Մեր երջանկությանը չափ ու սահման չկա: Մեր առաջին, ամենաջերմ ու սրտաբուխ խոսքը հղում ենք սովետական հզոր կառավարությանը, ժողովուրդներին՝ մասստուն առաջնորդ մեծ Ստալինին:

Նույն օրն էլ, հուլիսի 3-ին բոլոր եկվորները տեղավորվեցին իրենց հատկացված բնակարաններում:

(ՀՀԳ)

ՀԱՅՐԵՆԱԴԱՐՁ ՀԱՅԵՐԻ ՄԵԿՆՈՒՄԸ ԵԳԻՊՏՈՍԻՑ ՍՈՎԵՏԱԿԱՆ ՀԱՅԱՍՏԱՆ

ԳԱԶԻՐՆ, 22 օգոստոսի (ՏԱՍՍ).— Այսօր առավոտյան սովետական Պորեդա ջերմանավր Աղեքսանդրիայի նախահանգստից մեկնեց Բաթումի: Նավի վրա են գտնվում Եգիպտոսից Սովետական Հայաստան ուղևորվող երկու հազարից ավելի հայրենադարձ հայեր: Նրանց մեջ կան բարձրորակ շատ բանվորներ, մեխանիկներ, բժիշկներ, ինժեներներ և այլ մասնագիտության տեր անձինք: Սովետական նոր քաղաքացիների նա-վի վրա տեղավորվելը, որ տեղ է երկու օր,

տեղի է ունեցել մեծ խանդավառությամբ:

Հայրենադարձներին ողջերթ մաղթելու համար Գազիրեից և Աղեքսանդրիայից նավահանգիստ էին եկել մոտ 10 հազար հայեր: Երկու օր շարունակ նրանք ծովափին կանգնած մնացել են առավոտից մինչև գիշեր: Երբ նավի վրա տեղավորումն ավարտվեց, է ավիին կանգնած հսկա բազմությունը մեծ խանդավառությամբ հրգել է Սովետական Հայաստանի հիմնը և ժամանակակից ռուսական ու հայկական երգեր:

ԵԳԻՊՏՈՍԻՑ ՀԱՅՐԵՆԻՔ ՎԵՐԱԴԱՐՁՈՂ ՀԱՅԵՐԻ ԺԱՍՏՆՈՒՄԸ ԲԱԹՈՒՄԻ

Օգոստոսի 26-ին, երեկոյան Աղեքսանդրիայից՝ Բաթումի նավահանգիստը ժամանեց սովետական Պորեդա ջերմանավր բերելով հայրենադարձ եգիպտահայերին: Հայրենադարձներին դիմավորելու համար Բաթումիի նավամատույցն էին հավաքվել քաղաքի աշխատավորները, արտահանման հայերին ընդունող Բաթումիի կայանի աշխատողները,

նոր ժամանածների հարյուրավոր ազգականները, որոնք Սովետական Հայաստան էին դարձել մեկ տարի առաջ, և ուրիշներ: Պորեդա ջերմանավր բերել է 2.023 հայրենադարձ հայեր, որոնցից երեքը ճանապարհին, ջերմանավի վրա ծնված սովետական նոր քաղաքացիներ են: Հայրենադարձ հայերի մեջ կան բարձրորակ շատ բանվորներ, էլեկ-

աղրամեխանիկներ, ավտոմեխանիկներ, ինժեներներ, բժիշկներ, ուսուցիչներ և արհեստավորներ: Օգոստոսի 27-ին, առավոտյան վաղ սովետական նոր քաղաքացիներն սկսեցին ափ իջնել ջերմանավից:

Տեղի ունեցավ ջերմ հանդիպում: Ժամանողների անունից պատասխանելով դիմավորողների ողջույններին, գրող վահրամ Արծրունին ասաց.—

— Այս օրը հանդիսանում է ամենաուրախալի, ամենաերջանիկ օրը մեր կյանքում: Այսօր իրականացան մեր դարավոր իղձերը, օտար երկնքի տակ երկար ու տանջալից թափառումներից հետո մենք վերադարձանք մեր սոցիալիստական հայրենիքը: Ուտք զնն-

լով սովետական հողը, մենք նորից ու նորից բուրդիս սրտից բխող սիրո և խորին երախտագիտության մեր խոսքն ենք ուղղում մեր ժամանակի մեծագույն մարդուն, մեր հայր և ուսուցիչ մեծ Ստալինին, որը Լրջանկության ճանապարհ բացեց մեզ համար:

Խոստանում ենք մեր բոլոր ուժերն ու եռանդը նվիրաբերել Սովետական Հայաստանի, ամբողջ Սովետական Միության բարօրության գործին:

Օրերս բոլոր հայրենադարձ հայերը Սովետական Հայաստան կմեկնեն հատուկ գնացքներով:

ՀԱՅՐԵՆԱԴԱՐՁ ՀԱՅԵՐԻ ԺԱՄԱՆՈՒՄԸ ԵՐԵՎԱՆ

Սեպտեմբերի 7-ին, հատուկ մարդատար գնացքով Բաթումից Երևան ժամանեց այս տարի Եգիպտոսից հայրենիք վերադարձող հայերի առաջին խումբը թվով 222 ընտանիք:

Կայարանում ժամանողներին դիմավորեցին Հայկական ՍՍԻ Միևիստրների Սովետին կից վերաբնակեցման վարչության և Երևանի Քաղաքային Սովետի ներկայացուցիչները. ինչպես նաև եկողների բազմաթիվ հարազատները:

Ժամանողների ճնշող մեծամասնությունը արհեստավորներ են՝ մետաղագործներ, շուկահաներ, կոշկակարներ, մեխանիկներ, ոսկերիչներ և ուրիշներ:

Մոտ օրերս սպասվում են Բաթումի ժամանած եգիպտահայերի մյուս խմբերը՝ թվով 373 ընտանիք: Բոլոր 595 ընտանիքները (2023 մարդ) տեղավորվելու են Երևանում լենինականում և Կիրովականում:

(229)



Սեպտեմբերի 12-ին մարդատար հատուկ գնացքով Երևան ժամանեց հայրենիք ներգաղթած եգիպտահայերի երկրորդ խումբը, 205 ընտանիք, թվով 630 մարդ:

Կայարանում հայրենադարձներին դիմավորեցին վերաբնակեցման վարչության, քա-

ղաքային ու դայոնական սովետների ներկայացուցիչները և շատ աշխատավորներ:

Հայրենադարձները տեղավորվել են Երևան քաղաքում և Բերիայի շրջանում:

(229)

